



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Conciliorvm Omnivm Generalivm Et Provincialivm Collectio Regia**

Ab anno DLIII. ad annum DLXXVII.

**Parisiis, 1644**

Ex Epistola Rabbvlae Beatae Memoriae, scripta ad sanctum Cryillum  
contra impium Theodorum.

**urn:nbn:de:hbz:466:1-15324**

ANNO CHRISTI  
555. Consequens enim erat, vno semel propter tam profana vaniloquia inculpato, non contra vnum magis peruenire, sed, vt sic dicam, contra omnem eorum sectā, siue calumniam quam fecerunt aduersus pia ecclesiæ dogmata, duos colentes filios, & diuidentes indiuiduum, & crimen adscribentes calo & terræ, tamquam homini seruentibus. Adorat enim nobiscum supernorum spirituum sancta multitudo vnum Dominum Iesum Christum. Ne autem tenor apud quosdam symboli ignoretur, quod in vniuersis sanctis Dei ecclesiis & tenet & prædicatur, sanctorum patrum dogmata siue expositiones gestis inserui ibi confessis, vt scirent legentes, quem debet intelligi ad modum sanctorum patrum expositio, siue sincerum recte fidei symbolum. Arbitror caritatem vestram & legisse librum quem de his ipsis conscripsimus. Ipsum vero etiam nunc, sicut dixi, ipsis verbis apponens symbolum, ad hoc conuertar Deo iuuante, vt singula plane interpreter quæ in ipso posita sunt. Scripsisse enim scio prædicabilem Petrum: *Parati semper ad satisfactionem omni potenti vos rationem de spe 1. Petr. 3. quæ in vobis est.*

## EX EPISTOLA RABBVLÆ BEATÆ MEMORIÆ,

*scripta ad sanctum Cyriillum contra impium  
Theodorum.*

I AM vero quidam vnitatem secundum subsistentiam omnibus modis abdicant. Morbus enim aliquis sublatens inueterauit orienti, immedicabilis modo vulneris depascens ecclesiæ corpus, & plurimos quidem latens, apud autem quasi studiosos, & supercilia extollentes eruditio, latenter honoratus. Episcopus enim quidam provinciæ Cilicum Theodorus, vir verisimilis dicendi, & potens persuadere, alia quidem super tribunali ecclesiæ statim dicebat ad populi placentiam, alios autem laqueos perditionis in scriptis ponebat, qui in principiis quorumdam eius codicum anathemate circumcludebat inspicientem non manifestare aliis scripta ista. Primum exposuit, non esse vere Dei genitricem sanctam Virginem, tamquam Deo Verbo non suscipiente secundum nos natuitatem. Hoc usque adhuc latens, ne tempore ampliore confirmatum fortius putaretur, secundum iudicium

*Concil. Tom. 12.*

L ij

Dei oblitus Nestorius nouæ incisionis auctor publicauit. Sequitur autem hoc & quod est de humanatione: nec enim dicunt secundum substantiam, vel secundum substantiam vnitum esse Deo Verbo hominem; sed bona voluntate quadam, tamquam diuina natura non suscipiente alterum modum vnitatis propter non circumscriptibile. Iste & Dominum nostrum Iesum Christum dixit non oportere adorare sicut Dominum, sed relatione Dei honoriari sicut imaginem quamdam; magis autem manifestius secundum eos dicere, sicut instar aliquid relatione assidentis dæmonis. Iste & carnem Domini pronuntiauit nihil omnino prodesse, dissipans Domini vocem, quæ est: *Caro nihil prodest.* Iste & Apostolum dicit non cognouisse Christum quod Deus erat, sed supra fidem quæ est in homine, ædificatam esse ecclesiam. De gehenna hic ratiocinationes eorum non est tutum per literas significare. Isti sunt thesauri impietatis eorum, quibus iamdudum latenter fruebantur, & volunt, si possibile est, vsque ad finem obumbrare timentes pias aures populi.

AB ECCLESIASTICA HISTORIA HESTCHII  
prebbyteri Hierosolymorum, de Theodoro.

**I**T A Photinum multis & aliis apud eos sœculis, Theodorus quidam præcipue imitatus est: malitiosus quidem loquendi, & lingua paratissimus, & ipse tamen instabilis voluntate, qui huc & illuc inclinans ferebatur. Clericatu enim Antiocheno a prima ætate connumeratus, & bene conuersari pollicitus, ad sœculares libidines reuersus, iterum deletabatur. In omnibus autem bonis imitabilis & beatus vir Ioannes Constantinopolitanus episcopus scripsit epistolam, quæ vsque adhuc in codicibus legitur, & a peiore ad meliorem pœnitentiam eum transferre præualuit: & iterum bene conuersari, iterum in clericatu esse cœpit, & Antiochia relicta in Tarsum transmigravit, ex qua in Mopsuestiam transiit, ordinatus in ea episcopus, nondum Deo volente manifestam impietatis illius prædicationem fieri. Prima autem elementa sue doctrinæ ex Iudaico vaniloquio incipiens, codicem in prophetiam psalmorum conscripsit, omnes de Domino prædicationes abnegantē. Culpatus vero & periclitatus,

Eplst. ad  
Theodorū  
laplum.